



SANTIMANTCHOU DIVEZA

AN AUTROU BRANELLEC,

CURE EUS A GASTEL-PAOL,

DIBENNET ER REVOLUTION,

HA COMPOSET GANTAN E-UNAN.

---

Var ton : *Sanctorum meritis.*

**D**OUGUET eo an arrêt,

Ne zeus mui a dermen ;

Da choas eo din ròet

A zaou gant al lezen,

Pe renonç d'ar feiz,

Pe beza dibennet :

O divis cruel ha calet !

Me a choas ar maro

Eus a greiz va c'halon ,

Ha sur a brefero  
 Ar güir Relijion  
 Da heuill lezen impi  
 Un doctrin ampoezon,  
 Sourcen eus a berdition.

Va c'hrim ha va zorfet  
 Dirac an Nation,  
 Eo ma meus prezeguet  
 An Aviel güirion,  
 Condaonet al lezen  
 Emeus a chismatiq,  
 Hac ouspen eus a heritiq.

Ne brezeguen netra  
 Na d'oa güir gristen,  
 Gant va goad er sinan  
 Me er rayo laouen.  
 Ia, eur poezon eo  
 Hac eur poezon mortel  
 A ro ar maro eternal.

Pobl dign eus a druez,  
 Eur vech c'hoas qent mervel,  
 Quitta da zallentez,  
 Dalc'h mat d'an Aviel.  
 Malheur, mil guech malheur  
 D'an neb n'en heulio qet,  
 Rac assur e vezo collet.

Pep seurt iniqite.  
 Erruet en abim  
 Ar pec'her caledet,  
 Pet crim zo gantàn coumettet!

Sclerrait o daoulagad,  
 Va Doue, d'ar re dall;  
 En faveur ar re vad,  
 Pardonit d'ar re fall;  
 Laqit, mar plich ganeoc'h,  
 Mar dê ho madelez,  
 Ar peoc'h en hon Rouantelez.

Gant ho craç, va Jesus,  
 Me anduro laouen  
 Peb seurt poanniou grevus,  
 Arrach va bourrevien.  
 Me varvo en Ilis:  
 Va c'horf a berisso;  
 Mes va feiz sur a driompho.

Ra zeuyo va maro,  
 Va Zalver, va Doue,  
 Da rey ar peoc'h d'am bro  
 Hac an dranqilite;  
 Ma vezo hoc'h hano,  
 Qeit all zo blasfemet,  
 E peb bro meulet, adoret.

Ia, sur, va Doue,  
 Me a ra volontier  
 Eus va c'horf, va bue,  
 Eur sacrific antier :  
 Bezit deoc'h agreabl,  
 Pardonni, me ho ped,  
 Tud coupabl ha direolet.

Va brassa calonad  
 O quittat ar bed-mâ,  
 Eo ma voar qen ingrat  
 Nac evit castiza  
 Va mad-oberourien,  
 Va brassa mignonet,  
 Balamour m'o deus va lojet.

Courach, patientet,  
 Intanves, minor paour,  
 Doue'n deus prometet  
 Vit ur verennat dour  
 Roet en e haño,  
 Recompanç eternal,  
 Hac ho pezo goude mervel.

Adieu, pobl a Gastel,  
 Va fenitantet qeiz,  
 Bezit atao fidel  
 Ha dalc'hit mat d'ar feiz.  
 Neb a goll e vuez

Digor da zaoulagad,  
 Crën gant spont hac horrol,  
 Me a ya gant va goad  
 Da zisqueuz da errol.  
 Ia, evit va feiz,  
 Souten ar virionez,  
 Tud direiz, me ro va buez.

Lavar c'hoas, mar qerez,  
 Den ingrat ha barbar,  
 E zeo var digarez  
 Caout madou an douar  
 E meus bet refuset  
 Dont da bresta sermant,  
 Ha soufr qement all a dourmant.

Mes perac, va Jesus,  
 En em justifia  
 Dirac tud maleurus,  
 Tud ar re injusta?  
 Heritiget direiz  
 A zistruch gant arrach  
 An Ilis hac ar gristenach.

Selaou, te, breur ingrat,  
 Breur impi, infidel;  
 Crial a ra va goad  
 Evel hini Abel  
 Venjanç en da henep,

Henep da gruote,  
 Hac henep da impiete.

Breur criz ha dinatur,  
 Ha te ell c'hoas souten  
 Un doctrin qen impur  
 Ha qer cruel lezen?  
 Ret e vez possedet,  
 Mar d'ez c'hoas da heulia  
 Tirantet a deu d'am laza.

Eur vech c'hoas, va breur qer,  
 Saveta da ene;  
 Heuill Ilis hor Zalver,  
 Ha renonç pront d'as le,  
 Sourcen eus da valeur  
 Ha da zaonation  
 Ha maleur oll bobl ar c'hanton.

Pet mil a eneou  
 Oc'h eus dija collet  
 Dre ho coal exemplou,  
 Te ha da gonsortet!  
 Touerien maleurus,  
 Partout e rit brezel  
 Da Jesus, d'e Ilis Santel.

Eur vech abandonet  
 Gant ho craç, va Doue,  
 Evel dour vez evet

Balamour da Zoue  
 Certenamant e savete.

Adieu, va breur Guillou,  
 Adieu, va breur Biel,  
 Arretit ho taelou:  
 Er Religion Santel  
 E qefot motivou  
 A gonsolation:  
 Heullit-y a greiz ho calon.

Va breudeur Bêleyen,  
 Na gollit qet courach;  
 Labourit da zouten  
 En Franc ar gristenach:  
 Da c'hounit un ene  
 Disprijit ar maro,  
 Ha Doue ho recompanço.

Va breudeur Bêleyen,  
 Nevez merzeriel,  
 O deus o c'hurunen  
 Sur en ên recevet:  
 Me ho ped, va Jesus,  
 Da rei din o c'hourach,  
 M'am bezo ar memes partach.

Evel ar Vadalen,  
 Dirazoc'h prosternet,  
 Gant glac'har hac anqen,

Me a vouel va fec'het.  
 Va Doue ! pardonit ,  
 Ha na zisprijit qet  
 Eur galon humbl ha contristet.

Erruet eo eta  
 Ar fin eus va exil !  
 Quittat a ràn gant joa  
 Ar bed leun a beril,  
 Evit antren er gloar  
 En deus Doue prometet  
 D'an neb o d'o perseveret.

O debes dudius ,  
 A laouenediguez !  
 Mont da gaout va Jesus  
 En e rouantelez !  
 Beza en un instant  
 Gantâ er Barados ,  
 Eternellamant o repos !

